

il le fait en vue de réussir l'exploit ultime, celui de pouvoir vivre éternellement sans connaître la mort. Mais on ne doute pas! Car, Maui a été trahi apparemment par ses amis, qui n'ont point su contenir leur rire, en voyant un tel acte étrange tenté par Maui. Un acte qui a été à la portée de sa main, mais qui devient ultimement un acte manqué au moment où, effectivement, son ancêtre se réveilla: « .. ouvrit ses yeux de feu, sursauta, et d'un coup sec, broya la tête de Maui, le tuant net. »

Qu'est-ce à dire au bout de ce simpliste survol, sinon qu'une croyance de la Société est mise à défaut ici. Que la mort des héros, progressivement élevés à la qualité de demis-dieux, était presque inconcevable. Teuira Henry le confirme par ailleurs en ces termes : « ... les demis-dieux ne mouraient pas comme les communs des mortels, mais allaient de pays en pays, accomplissant de merveilleuses choses et, restant vivants, ils finissaient par disparaître en leur temps, de la vue des mortels, comme l'ont fait petit à petit tous les dieux. »

D'autre part, malgré une telle attitude nostalgique, une tradition n'omet pas toutefois de rappeler, d'une manière réaliste à la fin du récit que : « Heureusement avant de mourir il (Maui) avait eu quantité de fils et de filles. »


Comme si l'on voulait alors ici, dénier autrement la mort que par la force vitale symbolisée dans la continuité de la natalité de la descendance humaine ! Cette vue raisonnable rappelle celle des Israélites sur plusieurs points. Pourtant, pour Paul le Chrétien, il re-affirme et explique aux Chrétiens de la ville de Corinthe que le dernier des ennemis a été détruit parce que dit-il : « Christ est ressuscité des morts, prémisses de ceux qui sont morts » (I Corinthiens 15/20, 26). Il fera bon toujours donc de méditer sur ces diverses attitudes face à la mort, de façon à ce que notre attitude soit mieux fondé et édifiée dans la vérité.

Hoiore Joel

Bibliographie :

- Babadzan A : Naissance d'une Tradition.
- Dodd E. : Maui
- Gounelle A. : Après la mort qu'y a-t-il ?
- Henry T : Tahiti aux Temps Anciens.
- Vigneron E : « Recherches sur l'Histoire des Attitudes devant la mort en Polynésie Française. »
- Vigneron E : « L'art de bien mourir. »

Mai te “pohe i roto i te ora” e tei te ora èvaneria mai nei



Te tahi mau uiuira

Hou aè te tahi maa horoâraa manaò iti, e tià ia haapâpûhia e tei mua tâtou i te tahi tumuparau rave âtâ. Inaha, a tahi, nâ hea e tià ai i te taata ia ite e aha mau na te pohe hou aè o ia iho a pohe roa ai? Oia mau, i mua i te pohe o te taata, to te hotu o te fenua, to te moana e to te rai, ua rau te mau uiuira e te mau pâhonoraâ ta terâ e terâ uî i hâmanâ haere no te tauturu ia na i te faaruru i te hepohepo e te mataù ta te mate, te hinga (e rau noa atu ai te mau faaiòraa hiroâ) e faatupu mai. E aha mau na râ ta te reira mau tiâturaa e haapii mai nei i te taata nei?

A piti, nâ hea te taata faaroo, i mua i te rauraa no te mau parau pîpîria o te pohe e tae noa atu i ta to na iho hiroâ e ta te mau parauatua rau e faaite nei, ia mäiti i te tahi tâtaraa no to na oraraa e no to na parau i muri aè i to na pohe? Oia mau, te vai nei ta na mau irava, mau faaitoitoraa, mau tâmahahananaraa, mau rituria no te tauturu ia na iho e to na ûtuafare, âmuiraa, pâroita, tuhâa, hoa i mua i te pohe, e i te taime a faaruè mai ai te hoê i herehia e aore ia e ènemihia e ana. E aha mau na râ ta te reira tiaitururaa e faaite mai nei i to te Huifaarao nei?

A toru, nâ hea e tià ai ia tâtou i te haapo-to i te manaò i mua i teie huru tumuparau mâ te ôre e haamoemoeâ ia tâtou tâtou iho? mâ te ôre e pata hânoa nâ roto

i ta tâtou mau taiòraa pîpîria e mau ferurira parauatua, e nâ roto hoi i to tâtou iho mau ira taata e ôvirâ haere nei e e turori hânoa nei i mua i te pohe? e mâ te ite e eita te tâtatoâraa no te mau uiuira o teie tumuparau e noaa hope ia tâtou i te hiô i niâ i te oaoa o teie tahuâ pâpairaa? No reira, ia riro nâ faatumuraa parau i muri nei, tei niuhia i niâ i te 1Tôrînetia 1/18-2/5, ei haamatairaraa i ta tâtou mau ferurira pîpîria e parauatua, e ei tautururaa ia tâtou tâtaitahi e i to tâtou âmuitahiraa huifaaroo i mua i te tuuraa piri a te pohe, e i mua i te tiâororaa a te Èvaneria.

Faatumuraa 1: Te “pohe i roto i te ora” Eere te pohe i te faautuâraa na te Atua i te taata. Tei roto te pohe i te ora o te taata, no te mea aore te taata nei i rahuhia ei atua, ei taata râ. la pohe anaè te taata nei, aore to na e ora faahou. No te feiâ pâtoi i teie nei ihotaata, ua tâmuta haere râtou i te tahi mau hohoâ atua e mau hohoâ taata e ora â i muri aè i te pohe. No roto mai i teie taura taata te mau tiâturaa no te vârua mure ôre, te iho pohe ôre, te parataito, te rohutu noânoâ, etv. No roto atoâ mai i teie taura taata te mau faanahoraa no te fânaò e aore ia no te ère i te reira huru ora i muri aè i te pohe : ia au i te haavâraa atua, te feiâ haapaò maitai, e utuâ ora ta râtou, âreâ i te feiâ haapaò ôre ra, e utuâ pohe ia. E no roto atoâ mai hoi i teie nei â taura taata, te mau faanahoraa e au i te feiâ e

ora nei no te tāuāparau i to rātou mau taata tei pohe na (tupuna, tāura, tahuā, tiāporo, etv). E mau peu anaē teie na te taata nei no te haavarevare i to na hepohepo e to na mataū mā te faarata i te pohe, e ia riro o ia mai te mau atua pohe ôre ra te huru (Ten 3/5). No teie huru taata pohe ôre, i pehepehe ai te Tohereta 2/1-17;3/19-21;6/6:9/3-5, e i uiui atoā ai te mau Taramo 6/5;30/9:88/6 i te parau no te haamanaōraa i te reira huru taata ia pohe mau anaē o ia.

Te tahi uiraa i ô nei : Aita ānei hoi teie pātoiraa i te pohe i roto i te ora e vai atoā nei i roto i to tātou ihotaata teretetiāno ? Ei tautururaa ia tātou: te pohe i roto i te ora, o te parau ia o te taata tei tāpū i to na tūātiraa i te Atua, oia te taata hara, te taata tāiva (Rōm 3/23; 7/9).

Faatumuraa 2: Mai te pohe o te "pohe i roto i te ora" e tae mai ai i te ora èvaneria Nā roto i te Metia i faatataurohia e tei tiāfaahou mai, eita te pohe e mana i niā i te mau tamarii tāvai a te Metua. I te taime a pohe ai te taata faaroo èvaneria, e mou to na oraraa, àréa rā te Parau faatāvai a te Metua i ora na i roto i to na oraraa faaroo e vai ā ia i roto i te Metia e tae noa atu i te ànotau nō te tiāfaahouraa i fasauhia mai e te Èvaneria. E fārii faaroo teie na te feiā i fārii ia arataihia rātou e te Metia nā te èà no te pohe i roto i te ora e tae atu ai i te ora èvaneria, te èà no te pohe o te taata hara e tae atu ai i te ora o te taata parautiā, te èà no te pohe o te taata tahito, taata-rāpae e tae atu ai i te ora o te taata âpī, taata-roto, te èà no te pohe o te tamaiti a te taata nei e tae atu ai i te ora no te tamarii tāvai a te Atua (1Tētār 4/13-18; 1Tōrī 15/1-58; Rōm 5/1-21; 6/1-10; 14/7-9; Ioa 5/21-24; 6/25-58; 11/20-27; 1Pēt 1/23-25, etv). Eita teie fārii faaroo e faario i te taata èvaneria mai te mau atua ra te huru, e tauturu rā o ia ia i te fārii, i te mahana

tātaitahi (2Tōrī 4/16), i te pohe o to na pohe i roto i to na ora, e to na ora âpī i roto i te Metia (2Tōrī 5/17; Tor 3/1-4). Eita atoā teie parau e haamoemoeā ia na, e faaitoito rā o ia ia i roto i te titaura a te Fatu ia na, noa atu te mau àti teimaha e te mau sifi hauriāriā (Rōm 8/31-39). Ia tae i to na hora poheraa, poheraa māpeehia e aore ia manaō-ôre-hia, o tē itoito o ia e aore ia o tē paruparu o ia i te faaruru i te pohe, tei pihai iho to na Fatu ia na (Māt 28/18-20). Inaha, eere e na ta na fāriiraa e aore ia ta na ôrureraa i to na pohe e fatata mai nei, e faataui i to na parau e vai nei i roto i te Metia, e eita atoā te reira e faarahi e aore ia e haafaufaa ôre i to na faaroo èvaneria. I ô nei, ia piri mai te poheraa o te taata faaroo, rau noa atu ai te mau ôhipa e tupu mai i niā ia na, mai te hau, te àehuehu, te hauriāriā, te fāriiraa, te pātoiraa, te fārii-pātoiraa, aita o ia e titauhia nei ei àito e aore ia ei àitoa, inaha tei pihai iho to na Fatu ia na.

Tiāitururaa e faaitoitoraa

E haavāraa ānei to te Huifaaroo èvaneria ia tae i te ànotau hopeā ? A taa noa atu ai te tahi mau taiōraa pīpīria i remuhia e te tahi mau tiāturiraa a te ètene, mai te potarupo 20/11-15, etv, e tiā iaparauhia e aita te reira tiāturiraa i roto i te heheuraa tumu a te Èvaneria (Ioa 3/16). Ia fārerei noa atu tātou i te tahi mau taiōraa pīpīria no te F.A. e aore ia no te F.T. e faahiti ra i te parau no te haavāraa, e vaiiho e na te heheuraa pīpīria e haapii mai i te poroi e vai ra i reira. Inaha, e aha ia huru Atua i te ino, o ia e faatiāfaahou mai i te taata pohe no te haapohe faahou ! Eere ānei e o te reira mau te tahi huru atua e hāmanitaata-hia nei e tātou i te tahi mau taime, ei fauraō no to tātou mau ira tamarii, e aore ia ei haamataūraa na tātou ia tātou iho e i to te Huifaaroo e tae noa atu i te feiā e ora noa ra i rāpae mai i te faaroo èvaneria?

I te mea e, e aita e haavāraa hopeā to te Huifaaroo, haamanaō tātou e tei te taata te parau no to na haavāraa i teie nei mahana: tei ia na te māitiraa, i teie nei mahana, i naūanei, e fārii ānei e aore ia e pātoi ānei i te ora âpī ta te Metua e hinaaro nei i te horoā-faatau-aroha mai nā roto i te Metia e te Vārua Moā. Tei roto i taua ora âpī ra te parau no to na tiāfaahouraa (Ioa 11/25-26; Rōm 14/7-9).

Te tahi uiuiraa hopeā i ô nei: Te parau o te taata i rāpae mai i te faaroo èvaneria, o ia ta te Pīpīria e pii nei te "ètene" ? I te mea e, e aita to na e parau i roto i te tiāfaahouraa o te Huifaaroo, eiaha ia moēhia ia tātou e e fārii mai te Fatu i ta na pure noa atu e tei te taime hopeā roa o te reira taata (Ruta Èv 23/39-43).

*Tihiri Antonino Lucas
Montpellier i te 12/02/2001*



Te tatauro raau tei faatiāhia i te hiti roto no Tarirea (P.O. N° 234. Avril 1999, p. 5)



Te tahi mau puta no te tauturu ia tātou i mua i te tahi atu ā mau tātararaa e mau uiuiraa ta te pohe, ta te taata e faaineine ra i te pohe e ta te útuafare àti e tuu mai nei i mua i te mau māpeeraa a te mau Ètārētia : J. ANSALDI, La mort dans la vie et la vie après la mort, Valleraugue: Sœurs protestantes, Sentier de Villeméjane n°6, 1996; Te parauraa i te faaroo i naūanei, Papeete: THP Tuhaa 7, 2000; J.-D. CAUSSE, La haine et l'amour de Dieu, Genève: Labor et Fides, 1999; É. CUVILLIER, "Jugement et destruction du monde dans l'Apocalypse de Jean", Foi et Vie, Cahier biblique n°31, sept 1992; A. GOUNELLE et F. VOUGA, Après la mort, qu'y a-t-il ?, Paris: Cerf, 1990; La mort et l'eau-delà, Genève: Labor et Fides, 1998; T.A. LUCAS, Te faatāvai-raa i roto i te Metia, Pētera, 1997; T.A. LUCAS, J. MAHAA, T. MARAEA, Ite atu ra vau i te hoē rai âpī e te hoē fenua âpī, Papeete: TPHT, 2000; R. SUBLON, Le temps de la mort, Strasbourg: Cerdic, 1975; J. TEHEIŪRA, Ei manaōnaōraa i te māpeeraa òrometua, Papeete: EEPF Tuhaa 1, 1998.